

Butterworth

Gesa pengguna utama barangan Malaysia

Kementerian Perdagangan Dalam Negeri Dan Hal Ehwal Pengguna (KPDNHEP) menggesa pengguna mengutamakan barangan buatan Malaysia berbanding hanya membeli produk daripada pihak tertentu.

Menterinya, Datuk Seri Saifuddin Nasution Ismail berkata, tindakan segelintir pihak memboikot barangan keluaran bukan Bumiputera dan memilih produk Muslim adalah dalam tujuan yang sama.

"Mereka ini berubah-ubah bermula sebagai boikot kemudian apabila disanggah dan diberikan jawapan rasional kenapa tak perlu ada boikot, maka skrip itu diubah kepada mengutamakan produk Muslim.

"Fokus kita sebagai negara berbilang kaum, untuk memperoleh kehidupan harmoni dan memakmurkan negara, kita perlu dokongan semua sekali.

"Jadi, saya fikir dalam konteks negara kita, yang patut kita dahulukan adalah kempen beli barangan buatan Malaysia," katanya.